



U skladu sa članom 3. i članom 5. Programa utroška sredstava naknade za građevinsko zemljište za 2018. godinu (u daljem tekstu Programa) te u skladu sa Okvirnim programom rada Općinskog vijeća za 2019.godinu, Zavod za planiranje i izgradnju općine Kakanj podnosi Općinskom vijeću

IZVJEŠTAJ

o realizaciji Programa utroška sredstava naknade za građevinsko zemljište za 2018. godinu

Programom utroška sredstava naknade za građevinsko zemljišta za 2018. godinu planirano je 378.000,00 KM.

Prihodi naknade za građevinsko zemljište u 2018. godini iznose 446.365,78 KM, što je 118 % u odnosu na planirani utrošak po Programu utroška sredstava naknade za građevinsko zemljište za 2018. godinu. Ukupno raspoloživa sredstva naknade za građevinsko zemljište za 2018. godinu su iznosila 540.622,75 KM. Razlika između raspoloživih i ostvarenih sredstava naknade za građevinsko zemljište u iznosu 94.256,97 KM odnosi se na prenešena a neutrošena sredstava iz predhodnih godina.

U tabelarnom prikazu koji slijedi može se vidjeti kolika je realizacija pojedinih pozicija u odnosu na planirane pozicije po usvojenom Programu.

Red. br.	Naziv pozicije	Procjenjena vrijednost radova po Programu utroška (KM)	Ugovoreni iznos (KM)	Relizacija (KM), napomene
1.	Izrada prostorno-planske dokumentacije općine Kakanj	22.000,00	0,00	
1.1.	Izrada glavnog projekta mosta na rijeci Bosni u Modrinju	22.000,00	0,00	Nije realizovano
2.	Rekonstrukcija i proširenje male ulice prema pijaci	27.250,00	27.250,00	Nije realizovano
3.	Obilježavanje naseljenih mjesta, ulica , trgova i označavanje zgrada brojevima	127.650,00	128.112,21	
3.1.	Isplata prema ugovorenim obavezama iz 2017. godine	63.453,12	63.613,60	Realizovano
3.2.	Nabavka i montaža tabli za obilježavanje naseljenih mjesta i kućnih brojeva u 2018. godini	64.196,88	64.498,61	Realizovano
4.	Održavanje javnih saobraćajnih površina	105.000,00	89.531,80	
4.1.	Sanacija kolovoznih i pješačkih površina u gradskom području	35.000,00	35.000,00	Realizovano

4.2.	Izrada horizontalne signalizacije u gradu	15.000,00	13.037,74	Realizovano
4.3.	Izrada i postavljanje vertikalne saobraćajne signalizacije u gradu i mjesnim zajednicama	20.000,00	6.462,02	Realizovano
4.4.	Postavljanje i skidanje montažno-demontažnih usporivača brzine na saobraćajnicama	10.000,00	9.997,77	Realizovano
4.5.	Rekonstrukcija stepeništa, ograda, rukohvata i drugi nepredviđeni radovi	25.000,00	25.034,27	Realizovano
5.	Dio troškova (plate, materijalni troškovi i usluge) Zavoda	96.100,00	113.229,00	
	UKUPNO	378.000,00	330.873,01	88 %

OBRAZLOŽENJE:

1. Izrada prostorno-planske dokumentacije općine Kakanj

1.1. Izrada glavnog projekta mosta na rijeci Bosni u Modrinju

Sredstva po ovoj poziciji nisu utrošena iz razloga što nije pribavljena saglasnost od JP „Željeznica Federacije BiH“ i nisu se stekli uslovi za izradu projekta.

Predstavnici MZ Modrinje su obezbijedili Idejni projekat na osnovu kojeg su uputili zahtjev za saglasnost i uslove gradnje mosta prema JP „Željeznice FBiH“ koja je neophodna za izradu glavnog projekta mosta. Kako MZ-a nije dobila saglasnost od Željeznica, implementacija ovog projekta je za sada neizvodiva.

2. Rekonstrukcija i proširenje Male ulice prema pijaci

Ugovor o rekonstrukciji i proširenju Male ulice prema pijaci je zaključen još 2016. godine, sa preduzećem "Trgošped"d.o.o.Kakanj. Kako su ubrzo nakon toga počeli radovi na objektu današnjeg Hotela Kakanj privremeno se odustalo od realizacije ugovora jer nije bilo uslova za paralelan rad ova dva objekta.

Međutim radovi na Hotelu su trajali sve do ove godine tako da je projekat prenesen i u Program 2018. godine.

Obzirom da su radovi na rekonstrukciji glavne gradske saobraćajnice trajali tokom godine a da je ta ulica bila alternativa i veoma frekventna tokom radova ponovo nije bilo uslova za paralelan rad sa glavnom gradskom ulicom i ostavljena je za rekonstrukciju u narednoj godini.

3. Obilježavanje naseljenih mjesta, ulica, trgova i označavanje zgrada brojevima

3.1. Krajem 2017. godine zaključen je ugovor sa društvom „Pismorad“ d.d. Zagreb u vrijednosti od 63.453,12 KM koji je implementiran tokom 2018. godine. Napominjemo da je tokom 2017. godine proveden postupak javne nabavke te da je u tom postupku dostavljena samo jedna ponuda i to ponuda ponuđača „Pismorad“ d.d. Zagreb, sa kojim je i zaključen Okvirni sporazum na period 2017-2019. godina.

3.2. Takođe je zaključen ugovor i za 2018. godinu na iznos od 64.196,88 KM koji je implementiran tokom 2018. godine. Pored ugovorenih obaveza ovaj projekat su teretili i troškovi špeditera obzirom da se radilo o robi iz uvoza.

Do kraja 2018. godine obilježene su sljedeće ulice i MZ-e: MZ Kakanj I, MZ Kakanj II, MZ Dobož, MZ Čatići, MZ Bjelavići, MZ Brežani, MZ Kraljeva Sutjeska, MZ Bičer, MZ Povezice, MZ Pope, MZ Varda, MZ Termoelektrana, MZ Bilješevo (Gornji Lučani), MZ Bijele Vode (Hausovići), MZ Bukovlje, MZ Tršće (Ivnica), MZ Brnj, MZ Brnjic, MZ Bukovlje (Bukovlje) i MZ Donji Kakanj (Karaulsko Polje).

4. Održavanje javnih saobraćajnih površina

4.1. Sanacija kolovoznih i pješačkih površina u gradskom području

Nakon provedenog postupka javne nabavke, potpisan je ugovor o izvođenju radova na sanaciji i kolovoznih i pješačkih površina u gradskom području sa preduzećem "Trgošped" d.o.o. Kakanj.

- Vrijednost ugovorenih radova iznosi 35.000,00 KM.

- Realizovano je 35.000,00 KM

U okviru ovih radova sanirane su manja i veća oštećenja na asfaltnom kolovozu u ulicama u MZ Kakanj II te drugim prigradskim ulicama zatim manje intervencije na betonskim radovima i trotoarima u užem području grada i prigradskim ulicama.

4.2. Izrada horizontalne signalizacije u gradu

Na osnovu Okvirnog sporazuma za 2018, 2019. i 2020. godinu, zaključen je Ugovor o vršenju radova na izradi horizontalne signalizacije sa društvom "Sacom" d.o.o. Sarajevo.

- Vrijednosti ugovorenih radova iznosi 15.000,00 KM.

- Realizovano je 13.037,00 KM

Na saobraćajnicama gradskog i prigradskog područja vršeno je obilježavanje punih i isprekidanih linija, obilježavanje pješačkih prelaza, oznake taxi i autobuskih stajališta, ostrva strelica i piktograma i dr. a sve u cilju bezbjednog odvijanja saobraćaja.

4.3. Izrada i postavljanje vertikalne saobraćajne signalizacije u gradu i mjesnim zajednicama

- Sa društvom "Buljan ceste" d.o.o. Kreševo, zaključen je ugovor o izvođenju radova na izradi i postavljanju vertikalne saobraćajne signalizacije u vrijednosti od 20.000,00 KM, a na osnovu Okvirnog sporazuma za 2018, 2019 i 2020. godinu.

- Vrijednosti ugovorenih radova iznosi 20.000,00 KM.

- Realizovano je 6.462,02 KM

Vertikalna saobraćajna signalizacija se uglavnom postavljala po Rješenju Službe za privredu, urbanizam i zaštitu okoline (znakovi obaveze, izričitih naredbi, obavještenja i saobraćajne opreme u ZPO-Dom zdravlja zatim znakovi opasnosti na više lokacija montaže usporivača brzine, znakovi

obavještenja za pješačke prelaze u ul. Branilaca, znakovi opasnosti kod Lamele L-C te znakovi obavještenja za parking za invalidna lica i sl.) kao i u situacijama kada se ukaže potreba za nabavkom i ugradnjom saobraćajnih znakova za postavljanje privremene saobraćajne signalizacije zbog izmjene režima saobraćaja prilikom manifestacija ili prilikom izvođenja radova na pojedinim objektima, znakovi upozorenja npr. odron i klizište Crnač i...t.d.

4.4. Postavljanje i skidanje montažno-demontažnih usporivača brzine na saobraćajnicama

U okviru Ugovora sa preduzećem J.P. "Vodokom" d.o.o. Kakanj, u proljeće je vršena montaža gumiranih usporivača brzine. Usporivači se postavljaju uz pješačke prelaze, u blizini školskih objekata, a radi sigurnosti pješaka i đaka. Pred zimski period usporivači brzine su demontirani radi lakšeg zimskog održavanja saobraćajnica.

-Vrijednosti ugovorenih radova iznosi 10.000,00KM.

-Realizovano je 9.997,77 KM

4.5. Rekonstrukcija stepeništa, ograda, rukohvata i drugi nepredviđeni radovi

U okviru Ugovora sa preduzećem J.P. "Vodokom" d.o.o. Kakanj izvršeni su radovi na sanaciji oštećenih stepenica kod JU KSC, stepeništa i trotoara na Spomeniku poginulih rudara, stepenica prema Domu zdravlja, rekonstrukcija stepenica i rukohvata prema zgradi „ST-2“ i kod zgrade „F“, izrada pješačke staze prema Grebenu, postavljanje zaštitnih željeznih stubića, zavarivanje i farbanje zaštitne mreže na igralištu kod OŠ „MMB“. Takođe su izvršeni radovi na čišćenju, zaštiti i premazu lakom rukohvata na skoro svim lokacijama u gradu te na mostu u Bilješevu.

-Vrijednosti ugovorenih radova iznosi 25.000,00KM.

-Realizovano je 25.034,27 KM

5. Dio troškova (plate, materijalni troškovi i usluge) Zavoda

Programom utroška sredstava naknade za građevinsko zemljište planirani dio utroška za plate, ostala primanja zaposlenih, materijalne troškove i usluge iznosio je 96.100,00 KM

U 2018. godini ukupni troškovi plaća, ostalih primanja zaposlenih, materijalnih troškova i usluga iznose 578.998,00 KM, od toga dio koji je finansiran kroz Program naknade za građevinsko zemljište iznosi 113.229,00 KM.

Ovi troškovi odnose se na:

- Bruto plate i naknade
- Naknade troškova zaposlenih
- Doprinosi poslodavca i ostali doprinosi
- Putni troškovi
- Izdaci za komunikacije i komunalne usluge
- Nabavka materijala i sitnog inventara
- Izdaci za usluge prijevoza i goriva
- Unajmljivanje imovine i opreme
- Izdaci za tekuće održavanje
- Usluge osiguranja, bankarske usluge i usluge platnog prometa
- Ugovorene i druge posebne usluge

OBRADIVAČ

Zavod za planiranje i izgradnju općine Kakanj

PREDLAGAČ

v.d.Općinskog načelnika

